



雙溪醉隱集卷三

元耶律鑄撰

順德李文田箋

五言律詩

寄趙虎品呂龍山

文田案虎品即作此集序之趙著呂龍山名鯤

年來緣底事不復出柴關
兀兀千杯酒蕭蕭兩鬢斑

一作暮色千峰遠年華兩鬢斑

月明河漢淡天闊水雲閒
目斷故人遠去鴻猶未還

寄高仲傑

一枕功名夢半年風雨牀
地高秋易老人去夜偏長
悲賦傷鸚鵡哀琴怨鳳凰
晚風吹落日明月滿寒塘

寄人

空翠撲晴影輕黃著柳枝
春風戀遊子渾似縱遊時
除醉更無事憶君方有詩
如何一片月兩地照相思

送元遺山行

燕北秋風起幽花滿地開既邀今日別合道幾時來白玉煙沈閣黃金草暗臺不須傷老大珍重掌中杯

送李敬齋行

一代文章老素車歸故山露濃山月淨荷老野塘寒茆屋已知足布衣甘分閒世人學不得須信古今難

送完顏奏差行

君侯詣關日款曲爲慈親故國少知己舊山多逸民林園隨分雨天地自然春四海滿桃李惜花無一人

送正夫行

歲窮風景惡萍梗客天涯咫尺辭蘭省優游出鳳墀霜寒笳韻切天遠雁聲遲瘦馬長途晚凝雲雪欲垂

春日懷趙超然

萬里故鄉夢五更殘月鐘去鴻書斷絕歸燕語朦朧流水豔春態好

山呈曉容是誰將怨笛吹斷綠楊蹤

寄郭隱君輔之

寄傲人閒世潛真計未疏鳥行恬豹隱驚食澹鶉居座列清談客門
屯好事車不應馳素謁堅待偃波書

秋夜對月贈唐臣

寒水搖空碧西風滿一琴孤光萬家月一寸百年心白雁驚殘葉青
霜急亂砧故山休掛夢無地可投簪

永嘉周道人求詩一首

氣昇期汗漫世法一黔婁啟鑰因師旨咀芝從祖求肆言諧律呂不
夢本精修玉室金堂邇飄飄竹杖游

客中寄懷李先生九山居士

相憶復相憶登臨百感生河山分野色風雨混松聲白雁書秋思蒼
苔篆古情如何千萬里獨自計歸程

晚集瑤華殿

月浸瑤華殿雲垂素女幃水晶簾半捲火玉燭交輝紫氣遊清晏休

光下太微不知留帝所疑執化人衣

火玉上尖下圓
光照數千步

春日即事

遲日照青春遊風蕩紫宸雪霜無氣力

一作藉在

桃李有精神幽思平欺

酒閒愁自避人忘機殊不惡魚鳥看來馴

泛太液池

同虎品
龍山賦

爛縱飛龍馭凝神入醉鄉煙霞生縹緲絲竹裊微茫蒲劍割秋水荷

盤傾夕陽莫輕年少日青鬢易驚霜

飛龍道陵所製泛太
液之舟也又名翔龍

伯哩行

勝氣橫千里歡聲洽萬夫虎牙爲後拒犀首是前驅金練鴉光隊銀

槍雁子都率然乘伯哩二戰下崐崙

伯哩山名也遜多伯哩者即此
遜多亦是山名所在和林西南

崐崙又在其南丁丑冬弄邊者軍敗之地也唐高仁愿節度西州數
敗巢軍賊號蜀兵爲鴉兒每戰輒戒曰母與鴉兒鬪文田案詩注

謂丁丑冬弄邊案至元元年甲子則丁丑者至元十四年也元史西北地附錄有八里茫元史世祖本紀至元二年敕徙鎮海百里八

老將

結髮究

一作事

韜略馳驅

一作從戎

四十年長征秦五嶺苦戰漢三邊萬死

奮不顧一生今幸全雲臺無住處何日上淩煙

魏徵曰秦事五嶺漢事三邊云云

平南將

江淮平圯裂原不事梯衝銳氣吞堅陣威聲挫戰鋒高昂地上虎王
濬水中龍詎可同年語論功與定封

北齊高昂字敖曹率兵渡河祭河伯曰河伯水中之神高敖曹

地上之虎行經所居故相沃爵

南征奏捷

宸算將雄斷天然是美談一征平漠北再舉下江南須不聞漂杵何
曾見溺驂元和歌聖德恐未免懷慚

一作展詩陳薦信頌德爲無慚

西征

白首征西將封侯儘未貪遠離窮髮北深入不毛南笑解重圍困威
延轉戰酣若須求虎子虎穴是當探

聞北耗詔發大軍進討

護軍承詔日驃騎佐輕車投豹韜攘惡教龍鈴辟邪除狼還得虎養

虺竟成蛇致使雲臺將如雲過涿邪

耶音

經扼狐嶺得勝口會河戰場

文田案元史太祖本紀六年二月敗金將定薛于野狐嶺八月帝及

金師戰于宣平之會河川敗之九月拔德興府居庸關遮別遂入關抵中都

烏兔縱飛步急於寒女梭扼狐名好在得勝事如何

文田案明永樂北征錄萬全城

北入德勝口二十餘里上野狐嶺元張德輝邊墩紀行度扼胡嶺金史地理志西京路撫州柔遠縣得勝口舊名北望濱大定二十年

更暮雨連芳草秋風捲素波戰塵如可洗當與侍中過

居庸關

文田案金史地理志中都路大興府昌平縣有居庸關國名查刺合攀元王憚中堂事記居庸關兩山巉絕中

若鐵峽

秀拔延天險寒盤萬古根東西躔日月南北限乾坤影落梅山冷氣

搖星斗昏如何戰塵下荊棘暗重門

仙居亭

意匠驚難狀天然醉飲圖兩行風外柳一冊枕邊書雲錦薰沈水鶯
簧脫串珠煙光將勝概特貯在仙居

題虛白齋

可待留靈鎖方期得駐顏久虛生白室長啟扣玄關放浪形骸外逍
遙天地閒要當知霧豹依舊在南山

書後堂壁

丁未八月二日
自西宮回和林

放浪形骸外寄鄉杯酒中催歸有情鳥促織可憐蟲落日隔疏雨斷
雲垂渴虹弋人何所慕霄漢點冥鴻

迎風館

滌暑迎風館雄風襲玉扉雲開天乙網霞捲羽人衣倒景搖清禁飛
煙擁翠微泛闌將轉急須更入羅帷

司春園

地偏饒勝事花事迴標奇春自長須在人誰盡得知笑宜教捧腹醉
不解攢眉未那司春子騰譏釋二疑

雪香亭月下偶得名酒徑醉爲賦

瓊露融雲液金泉湧月波帶花浮綠蟻和月卷紅螺夜色依香雪春
容動綺羅是須轟玉笛倚弄玉龍歌

予嘗有詩碎擘桃花泛酒卮時亦取花散酒酌遺花者依花片

數浮以太白

擬西崑體後閣

夜枕雨聲細曉窗花氣濃玉塵掛秋月繡幕生春風藻井翠盤鳳畫
闌金走龍上名是何物只合付兒童

讀新樂府集

攬盡江山秀珠璣咳唾新豔浮天上錦情動月中人花鳥音容冶風
雲氣象頻郢歌將白雪顚顚對陽春

秋閨

供給深閨怨秋聲又擣衣鴛鴦不獨宿燕子自雙飛塵暗芙蓉帳風寒翡翠帷馳心屬明月將此照金微

春曉月下觀白牡丹

小立猶癡睡凝情出翠籠玉盤承曉露金鏡掛春風豈爲素娥妒不呈青帝功萬花推第一誰更忌專宮

詠雪二首

樓曉倚闌干天低欲壓闌削冰封岳色飛席下雲端風陣遲寒夜星鉞搖夜寒嶺梅應見怨何憚一來看

日淡隔雲幕地虛鋪雪氈捲簾看不見如畫舊山川豈憶三杯酒能迴六月天一聲何處笛吹裂野梅邊

圓福院竹

虛心雖涉世貞節自孤堅翠梢掛明月錦綳披紫煙豈無儀鳳日別

有化龍年玉質捎雲裏唯須著列仙

答座客

千紅將萬紫翦染盡冰蕤莫曉誰施巧惟春自出奇向陽花易發伴
老病難治若得如人意除天是國醫

調人幽居

瑟瑟苔封逕萋萋草暗階蓮舟浮太乙玉笛噴洪崖巾漉糊塗酒爐
煨滑柑柴莫將千古計取次卻沈埋

賀人飛泉幽居

萬斛驚珠冷銀河落翠微自歌還自舞誰是復誰非高鳥知何處浮
雲去未歸好風將落葉著意認柴扉

旅興

白眼看時事剛腸壓俗流也知蜂有毒未信鼠堪投熟睡消磨日清
吟撥置愁倚門應望切早晚賦刀頭

倦夜

時方南征

展轉延清漏，開簾納月光。
西風戀殘葉，終夕伴啼螿。
靜柝沈蠻徼，疏鐘撼客牀。
六龍應振轡，飛日上扶桑。

無何狂醉隱三首

無何狂醉隱，慢詆更癡蒙。
雖涉人間世，殊參塞上翁。
只須推倚杖，不必論窮通。
且把無邊事，橫陳在酒中。

無何狂醉隱，拙直更疏慵。
花鳥閒情外，江山醉眼中。
涉江辜薜荔，緣木采芙蓉。
待把人閒事，從頭說化工。

無何狂醉隱，適是生涯馴。
護能言鳥調，籠解語花不應。
拋蝶夢，須與趁蜂衙。
誰佐杯中酒，仙人萼綠華。

窮廬篇

巢燕年年客，山河日日新。
窗分一鏡曉，一作碧門掩滿庭春。
棲鳥羈籠影，行蝸遊壁塵。
故園雖好在，樓觀幾荆榛。

寓居靈州北村

野色荒煙暗氛霾晝影昏客情紛若絮塵事亂如雲楊柳春風渡

有先

黃河渡

梨花暮雨春

村落盛

不如歸去鳥著意喚誰聞

雙溪月下戲贈觸熱衝暴雨者

簷入清虛府輕河漾月舟冰天通色淨水月雜波流雨橫蟻兵潰日
燭山市收若然閒意況原不到心頭

戊申己酉北中大風

衝風迴白日飛礫灑青天富貴城西畔珍珠河北邊陽冰原不治陰
火更潏然直澈龍荒外蕭條是野煙

和賈耽東北斜連柯河有古城唐

者是也仙娥河今聲轉爲錫蘭河鳥孫所治赤山城西北三十里有

珍珠河文田案斜連柯河即色楞格河明人地圖亦作昔令哥河

者多也唐書點夏斯傳回鶻牙北六百里得仙娥河東北流經其國而

北入于海唐書地理志又安西拔達嶺又五十帳北六七百里至孫

所治赤山城也又

三十一里度珍珠河

過東山縣有懷

憶昨驚塵下腸迴望眼穿計程雖信宿恨別似經年自致青雲上誰
來白月邊萬金遊子信空與夢牽纏

再如番圻二首

雲暝雨將雪天低風正寒簡書端可畏行李不遑安要路飛騰好窮
途進取難折腰徒自苦吾亦悔儒冠
北走蓴塘路從公敢憚行淒涼當殢日寂寞適荒城薄祿非吾願塵
緣窘此生邱園原可樂何必問功名

追悼大人領省

稅駕知何處仙遊閱古今英靈千載氣松柏一生心白日空寒色蒼
天更暮陰志終伸不得遺恨海長深

五言排律

春色浮山外

春色無高下寧分澤與邱世間依舊好山外若爲浮桃李花爭拆池
塘草自抽綠涵峰勢合紅帶燒痕收遲日千鍾酒東風百尺樓夜來
甘雨足溪谷已成流

七言律詩

立春二首

東帝施恩似恤貧嚴凝時節喚回春未知和氣先歸柳便覺寒威不
著人上苑三冬梅正發和林五月草初新世閒公道惟春色春色年
來也不均

節物驚心若見催一年還見兩春來臘寒自向人閒盡春色卻從天
上迴乍暖柳條先易綠向陽花樹不難開高歌買斷西城酒更對東
風盡此杯

春日寓懷

燕語鸞啼怯晚陰蝶狂蜂亂更關心冥鴻空自運寒暑駭浪爲誰淘

古今每縱思吟輕萬戶但言眉笑抵千金閉門不出近十日忽到水邊春已深

三月和林道中未見草萌

不覺清明夢裏驚問人人道過清明須知上苑花飛樹誰信和林草未萌

一作生

綠水歸鴻空自感淡煙啼鳥若爲情翩翩瘦馬荒山路衰

草斜陽正獨行

西園春興因贈雪庭上人兼簡張公講師

萬丈虹霓絡紫煙笙歌清沸雨餘天滿庭芳草翠如積一洞碧桃明欲然流水引來梅塢底春風吹到酒罇邊散花喚起毗邪夢從此無心號謫仙

清明

寒食清明失舊期躊躇搔首日沈西風生楊柳鴉先覺寒過梧桐鳳不棲山色雪迷春意老雁聲雲過暮天低蘇門二月春光好好逐東

風發馬蹏

重和惜春詩韻余時經始西園

惜春情味舊情緣依舊中情似去年怪得玉音殊鄭重想將花事易
唐捐白蓮已結爲詩社翠水唯浮載酒船誰謂惜花人老大買花輸
得買山錢

謹用尊大人領省十六夜月詩韻

黃雞白酒管絃和一任浮生歲月磨銀管題詩應遠客玉簫吹恨憶
秦娥人言皓魄今宵減我見清光依舊多一十二時爭幾許人閒柰
此世情何

中秋對月

銀燭煌煌十二衢冷金波浸酒仙居由來物外通明殿只是人閒不
夜珠玉女窗扉唯白曉素娥庭院更清虛桂花香陌無塵景全入壺
翁碧玉壺